

## ADMINISTRACIÓN LOCAL MUNICIPAL NEGREIRA

*Anuncio relativo á aprobación definitiva da modificación da Ordenanza Reguladora do prezo público polo Servizo da Escola Infantil Municipal*

### ANUNCIO

O Pleno da Corporación, con data de 8 de setembro de 2025, acordou a aprobación provisional da modificación da Ordenanza Reguladora do prezo público polo Servizo da Escola Infantil Municipal.

Publicada con data 12 de setembro no Boletín Oficial da Provincia nº 174, e transcorrido o prazo de trinta días hábiles sen que se presentasen reclamacións considerase aprobada definitivamente.

Publícase a continuación o texto íntegro da citada ordenanza reguladora.

“ORDENANZA REGULADORA DO PREZO PÚBLICO POLA PRESTACIÓN DO SERVIZO DA ESCOLA INFANTIL MUNICIPAL DO CONCELLO DE NEGREIRA

Artigo 1.- Obxecto.

En uso das facultades concedidas polos artigos 133 e 142 da Constitución Española e artigo 106 da Lei 7/85 reguladoras das bases do Réxime Local e artigos 41 a 44 do Real Decreto Lexislativo 2/2004, de 5 de marzo, polo que se aproba o Texto refundido da Lei reguladora das facendas locais, o Concello de Negreira aproba o prezo polo servizo das Escola Infantil (0-3) dependentes do Concello de Negreira, que se rexerá pola presente ordenanza, así como pola citada normativa, e demais que resulte de aplicación.

Artigo 2.- Suxeitos obrigados.

Están obrigados ao pagamento das cantidades que se establecen como prezo as/os nais/pais dos nenos e das nenas en situación de alta na escola sinalada no artigo anterior, no seu defecto, os/as familiares ou titores/as legais a quen corresponda o exercicio da patria potestade.

Artigo 3.- Pagamento.

O pagamento das cotas, sen prexuízo do establecido no artigo 5 desta Ordenanza, realizarase mensualmente nos dez primeiros días naturais do mes a que correspondan. Nos casos en que o ingreso no centro se produza con posterioridade ao día primeiro do mes, a cota correspondente ao dito mes ingresarase nos dez días naturais seguintes á data de ingreso. A falta de asistencia da nena ou do neno ao centro non supón redución nin exención da cota mentres non se formalice a baixa correspondente. A falta de pagamento de dúas mensualidades consecutivas ou tres alternas, sen prexuízo da súa esixencia polo procedemento administrativo de constrinximento, orixinará a perda do dereito á praza.

Artigo 4 .- Regras e definicións para a determinación do importe a pagar.

Para a determinación do importe mensual que van pagar as persoas obrigadas ao pagamento dos prezos públicos determinados no **anexo** desta Ordenanza, teranse en conta as especificacións recollidas no dito anexo. Para os efectos da aplicación do anexo, a renda per cápita mensual da unidade familiar computarase segundo as seguintes regras:

a. Entenderase por unidade familiar a formada polos cónxuxes non separados legalmente e:

a.I Os/as fillos/as menores, con excepción dos que, con consentimento dos/as pais/nais, vivan independentes destes/as.

a.II Os/as fillos/as maiores de idade incapacitados xudicialmente suxeitos á patria potestade prorrogada ou rehabilitada.

a.III Os/as fillos/as maiores de dezaioito anos discapacitados cun grao de discapacidade superior ao 33 por cento.

A determinación dos membros da unidade familiar realizarase atendendo á situación existente no 31 de decembro do ano a que se refiran os datos económicos a que se refiren as seguintes regras.

b. Tomarase o importe dos ingresos totais da unidade familiar, que será o resultado da agregación das rendas do exercicio anterior a aquel en que dea comezo o curso escolar, no cal se pretenda que produza efectos, de cada un dos membros da unidade familiar, calculadas por agregación da base imponible xeral coa base imponible do aforro, calculadas segundo os criterios establecidos na normativa do imposto sobre a renda das persoas físicas. O importe dos ingresos

totais da unidade familiar será acreditado, mediante a presentación das copias certificadas pola Administración tributaria das declaracións do IRPF ou a certificación de ingresos das persoas que non presentasen as declaracións do IRPF. A documentación anterior poderá ser substituída pola correspondente autorización á Administración con competencia en materia de escolas infantís 0-3 para obter os datos necesarios para determinar os ingresos totais para estes efectos a través da correspondente administración tributaria.

c. O importe anterior dividirase polo número de membros computables da unidade familiar. No caso de familias mono parentais, incrementarase nun 0,8 o número real de membros que compoñen a unidade familiar. Entenderase por familia monoparental a unidade familiar a que se refire a letra a) cando formase parte dela un único proxenitor ou proxenitora que non conviva con outra persoa con que manteña unha relación análoga á conxugal e sempre que o outro proxenitor ou proxenitora non contribúa economicamente ao seu sustento.

d. A renda per cápita mensual será o resultado de dividir o importe anterior por doce

Artigo 5. Suspensión temporal da cota.

1. Os suxeitos obrigados a que fai referencia o artigo 2 non terán a obriga de aboar a cota correspondente á atención educativa e ao servizo mensual de comedor durante os seguintes períodos:

1.a 0 mes de vacacións anual da/o nena/o

1.b Cando por calquera motivo distinto ao período de vacacións anuais o centro permaneza pechado por un período superior a quince días naturais. En ambos os dous casos a suspensión realizarase de oficio.

2. Os suxeitos obrigados a que fai referencia o artigo 2 non terán a obriga de aboar a cota correspondente ao servizo de comedor no seguinte suposto:

2.a Cando por causa debidamente xustificada a/o nena/o deixe de asistir temporalmente ao centro. Neste caso, a suspensión da cota terá lugar desde o primeiro día do mes natural seguinte á data de inasistencia ao centro e durará ata o día primeiro do mes natural en que teña lugar a reincorporación da/o nena/o ao centro.

#### **Disposición derradeira primeira.**

Autorízase á Alcaldía para ditar as normas que sexan necesarias para o desenvolvemento e a aplicación desta Ordenanza.

#### **Disposición derogatoria única.**

Quedan derogadas cantas disposicións de igual ou inferior rango se opoñan ao disposto nesta Ordenanza.

#### **Disposición final.**

A presente ordenanza reguladora entrará en vigor unha vez que publicada no Boletín Oficial da Provincia, nos termos indicados no artigo 65.2 da Lei 7/85, do 2 de abril, Reguladora das Bases do Réxime Local, e manterase en vigor mentres non se acorde a súa derogación ou modificación expresa

## ANEXO 1 – TARIFAS

A xunta financia o 100% da atención educativa. As familias que desexen servizos complementarios, como comedor ou horario ampliado, aboarán en función da súa renda.

### 1. Prezo da atención educativa.

O prezo pola atención educativa en xornada completa nas escolas infantís 0-3 dependentes do Concello de Negreira fíxase en 169,26 € mensuais.

Segundo a renda per cápita mensual da unidade familiar, sobre este prezo aplicaranse as reducións que se especifican no apartado 3 deste anexo.

### 2. Prezo dos servizos complementarios

2.a Servizo de comedor: fíxase un importe de 5,50 €/día sen IVE. Este importe deberase actualizar anualmente conforme ao IPC.

Segundo a renda per cápita mensual da unidade familiar, sobre este prezo aplicaranse as reducións que se especifican no apartado 4 deste anexo. O prezo do servizo de comedor non estará suxeito a ningún desconto do punto 4, mais si a redución en función da renda familiar.

2.b Horario ampliado: o prezo mensual de cada hora solta en que se incremente o horario normal será de 21,16 euros. O prezo da hora extraordinaria non estará suxeito a ningún desconto.

### 3. Aplicación dos prezos públicos mensuais segundo os tramos de renda per cápita da unidade familiar.

3.1 Rendas inferiores ao trinta por cento do IPREM. Prezo da praza: 0,00 €, ;servizo de comedor: 0,00 €/día.

3.2 Rendas comprendidas entre o 30 e inferiores ao 50 por cento do IPREM. Prezo da praza: 0,00 € ; servizo de comedor: 1,38 €/día.

3.3 Rendas comprendidas entre o 50 e inferiores ao 75 por cento do IPREM. Prezo da praza: 34,91€ ;servizo de comedor : 1,38 €/día.

3.4 Rendas comprendidas entre o 75 e inferiores ao 100 por cento do IPREM. Prezo da praza: 69,81€ ; servizo de comedor: 1,93 €/día.

3.5 Rendas comprendidas entre o 100 e inferiores ao 125 por cento do IPREM. Prezo da praza: 112,13€ ; servizo de comedor: 2,75 €/día.

3.6 Rendas comprendidas entre o 125 e inferiores ao 150 por cento do IPREM. Prezo da praza: 133,29€ ; servizo de comedor: 3,85 €/día.

3.7 Rendas comprendidas entre o 150 e inferiores ao 200 por cento do IPREM. Prezo da praza: 147,05€; servizo de comedor.: 4,68 €/día.

3.8 Rendas superiores ao 200 por cento do IPREM. Prezo da praza: 169,26€ ; servizo de comedor: 5,50 €/día.

### 4. Descontos.

Segundo as circunstancias da unidade familiar, sobre o prezo que resulte de aplicar o disposto no punto anterior, aplicaranse os seguintes descontos que non son acumulables entre si:

- Nenos/as pertencentes a familias numerosas, desconto dun 20 por cento.
- Nenos/as pertencentes a familias monoparentais, desconto dun 20 por cento.
- Cando asistan ao mesmo centro varios irmáns, o segundo e sucesivos terán un desconto dun 20 por cento.
- Bonificación do 100% da cota de atención educativa para os fillos e fillas da unidade familiar, a partir do curso escolar 2022/2023.

Entenderase por familia numerosa aquela que reúna as condicións que determina a Lei 40/2003, do 18 de novembro, de protección ás familias numerosas.

Para a aplicación dos descontos teranse en conta as circunstancias concorrentes no momento de presentación da solicitude de praza na escola infantil 0-3, que deberán ser previamente xustificadas documentalmente de non coincidir coas circunstancias na data do devengo da declaración do IRPF.

Cando por circunstancias sobrevidas (solicitude fóra de prazo, traslado de residencia, etc.), o/a neno/a ingrese no centro con posterioridade ao día 15 do mes, a cota que corresponda pagar polo dito mes terá un desconto do 50 por cento.

### 5.Revisión da tarifa.

As tarifas son as establecidas e aprobadas polo Pleno do Concello de Negreira na correspondente ordenanza reguladora.

Revisión da tarifa: durante o curso poderase proceder á revisión da tarifa fixada inicialmente, sempre que se produzan e xustifiquen variacións nas circunstancias económicas ou familiares.

Neste sentido o beneficiario queda obrigado a comunicar calquera variación que se produza ao respecto.

#### CADRO DE PREZOS DA ESCOLA INFANTIL MUNICIPAL

Tramos de renda per cápita	Atención educativa (actualmente exento)	Comedor (sen IVE)	Horario ampliado
Contías en función do Indicador Público da Renda de Efectos Múltiples			
Inferiores ao 30% IPREM	0 €	0,00 €	21,16 €
Entre o 30% IPREM e inferiores ó 50% IPREM	0€	1,38 €	21,16 €
Entre o 50% IPREM e inferiores ó 75% IPREM	34,91€	1,38 €	21,16 €
Entre o 75% IPREM e inferiores ó 100% IPREM	69,81€	1,93 €	21,16 €
Entre o 100% IPREM e inferiores ó 125% IPREM	112,13€	2,75 €	21,16 €
Entre o 125% IPREM e inferiores ó 150% IPREM	133,29€	3,85 €	21,16 €
Entre o 150% IPREM e inferiores ó 200% IPREM	147,05€	4,68 €	21,16 €
Superiores ó 200% IPREM	169,26€	5,50 €	21,16 €

Manuel Ángel Leis Míguez

Alcalde – Presidente

Negreira 21 de outubro de 2025

2025/6916